



Hermānus natus est patre rustico, qui in campis Lunēburgicis iuxta Soltauu in uilla sua Stubeckhorn, colendis agris & pecoribus educādis operam dabat. Huius ergo filius Hermannus ingenti robore corporis, atq; insigni animi fortitudine erat præditus. Itaq; sub Ottone Cæsare castra secutus, facile militarem laudem & uirtutis opinionem apud omnes consecutus est. Hinc postea factum ut per gradus ascendēs ordines duxerit, & res sibi commissas mirabili foelicitate & successu expedierit. Itaq; Otto magnus commotus, filios suos in disciplina militari ei instituendos tradidit. Cum etiam in Italiam proficisceretur, ut mo-

tus eius nationis compesceret, Hermannō partem Saxoniae & Vuestphaliae tuendam & gubernādam commisit. Id cum optimè perfecisset, Imperator iure feudi eas regiones Hermannō cum sua posteritate perpetuò possidendas Imperij nomine dono dedit, anno 950.